



Broj: 01/01-1574/8-2022
Sarajevo, 19.07.2022. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), Zapisnika o ocjeni ponuda, broj: 01/01-1574/6-2022 od 15.07.2022. godine, na preporuku Komisije za javnu nabavku, broj: 01/01-1574/7-2021 od 15.07.2022. godine u otvorenom postupku nabavke radova – **ZAVRŠNI GRAĐEVINSKI RADOVI - REKONSTRUKCIJA I ADAPTACIJA U OBJEKTU**, Dekan Univerziteta u Sarajevu - Prirodno-matematički fakultet je donio

ODLUKU

o poništenju postupka javne nabavke

Član 1.

Poništava se postupak javne nabavke radova - **ZAVRŠNI GRAĐEVINSKI RADOVI - REKONSTRUKCIJA I ADAPTACIJA U OBJEKTU**, objavljen dana 17.06.2022. godine na Portalu javnih nabavki pod brojem: 29340-1-3-64-3-34/22 iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke radova: **ZAVRŠNI GRAĐEVINSKI RADOVI - REKONSTRUKCIJA I ADAPTACIJA U OBJEKTU**, broj: 01/01-1574/1-2022 od 17.06.2022. godine.

Obavještenje o nabavci broj: 29340-1-3-64-3-34/22 objavljeno je na Portalu javnih nabavki dana 17.06.2022. godine i u Službenom glasniku BiH broj: 41/22 od 24.06.2022. god.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 04.07.2022. godine, tendersku dokumentaciju preuzeli slijedeći potencijalni ponuđači: "GRADPROM" D.O.O. SRBAC, BBS EUROPE, FCT D.O.O., EKAPIJA DOO, INTER-COM DOO ZENICA, GENERAL CONSTRUCTIONS D.O.O. SARAJEVO, GD KONSTRUKCIJE D.O.O., "NIWEX" D.O.O. DERVENTA, PRAG D.O.O., INTERMING D.O.O SARAJEVO, "EKO-GRADNJA" D.O.O. SARAJEVO, ASV INŽENJERING D.O.O., INTERART, "KOLINVEST" DOO SARAJEVO, BAHEN GRADNJA D.O.O. SARAJEVO, PARTING D.O.O. ŠIROKI BRIJEG.

Iz *Izvještaja o pitanjima i odgovorima* u vezi sa tenderskom dokumentacijom, vidljivo je da je u periodu koji je ostavljen za dostavljanje pitanja i odgovora, ponuđač postavljao pitanja u vezi pojašnjenja tenderske dokumentacije, na koja je blagovremeno odgovoreno preko sistema E-nabavke.

Iz *Zapisnika o otvaranju ponuda* vidljivo je da je Komisija za javne nabavke dana 08.07.2022. godine sa početkom u 10:30 sati po redoslijedu zaprimanja izvršila javno otvaranje blagovremeno prispjele ponude slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	“INTERMING“ d.o.o. Sarajevo	Da	01/01-1574-1/4-2022	08.07.2022.g. u 08:00 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom sa zaprimanja ponuda, dana 08.07.2022. godine prosljeđen elektronskim putem (E-mailom) ponuđaču koji je blagovremeno dostavio ponudu.

Nakon pregleda ponuda, Komisija za javne nabavke je utvrdila da ponuda *ponuđača “INTERMING“ d.o.o. Sarajevo ne ispunjava sve uslove za kvalifikaciju tražene Tenderskom dokumentacijom*, te je u skladu sa naprijed navedenim *ponudu ponuđača “INTERMING“ d.o.o. Sarajevo ocjenila kao neprihvatljivu.*

Redni br.	Naziv i sjedište ponuđača	Ponuđen i popust	Ukupna cijena ponude
1.	“INTERMING“ d.o.o. Sarajevo, Ferde Hauptmana 7., 71000 Sarajevo	0,00 KM	Cijena ponude bez PDV-a 357.308,90KM 0% popust Ukupna cijena ponude sa uračunatim popustom bez PDV-a =357.308,90 KM PDV na cijenu ponude= 60.742,51 KM Ukupna cijena za ugovor 418.051,41 KM sa PDV-om

Iz *Zapisnika o pregledu i ocjeni ponuda* je vidljivo da u ponudi ponuđača nije bilo računskih grešaka.

Iz *Zapisnika o pregledu i ocjeni ponuda* je vidljivo da je analizirajući Ponudu Komisija konstatovala da nije imala nejasnoća u ponudi ponuđača.

Iz *Zapisnika o pregledu i ocjeni ponuda* je vidljivo da je Komisija za provođenje postupka nabavke nakon pregleda i ocjene ponuda, utvrdila sljedeće:

Tačkom 7.1 Uslovi za kvalifikaciju Tenderske dokumentacije kao uslov za kvalifikaciju u smislu dokazivanja profesionalne sposobnosti predviđeno je pod tačkom:

- a) da je registrovan za obavljanje predmetne djelatnosti;

Tenderskom dokumentacijom u svrhu dokazivanja profesionalne sposobnosti, u skladu sa članom 46. stav Zakona o javnim nabavkama, ponuđač je bio dužan dostaviti:

- ✓ Aktuelni izvod iz sudskog registra, original ili ovjerena kopija. Aktuelni izvod iz sudskog registra mora sadržavati sve podatke, za koje je, prema važećim propisima o registraciji, propisano da ih takav dokument sadrži. Ukoliko je ponuđač fizička osoba (samostalni obrtnik) uvjerenje nadležnog tijela da ima dozvolu da se bavi djelatnošću, koja spada u predmet nabavke, te da je važeća. Dostavljeni dokazi se priznaju, bez obzira na kojem nivou vlasti su izdati.

U tački 7.1 *Uslovi za kvalifikaciju* TD također je propisano da u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

U tački 8. *Sadržaj ponude i način pripreme ponude* TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

U skladu sa navedenim, Komisija za javne nabavke je analizom Ponude konstatovala da ponuđač **“INTERMING” d.o.o. Sarajevo** u svojoj Ponudi **nije dostavio:**

- ✓ Aktuelni izvod iz sudskog registra, original ili ovjerena kopija.

Imajući u vidu navedeno utvrđeno činjenično stanje, Komisija je konstatovala da ponuđač “INTERMING” d.o.o. Sarajevo nije postupio u skladu sa tačkom 7.1. Tenderske dokumentacije i članom 46. ZJN, jer nije u ponudi dostavio dokaz da je registrovan za obavljanje predmetne djelatnosti.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da nedostavljanje aktuelnog izvoda iz sudskog registra, original ili ovjerena kopija od strane ponuđača “INTERMING” d.o.o. Sarajevo, čini predmetnu Ponudu nepotpunom, a time i neprihvatljivom. U skladu u prethodno navedenim zakonskim odredbama i Tenderskom dokumentacijom, zbog neispunjavanja navedenih uslova za kvalifikaciju, ponuda je ocjenjena kao neprihvatljiva, te kao takva nije uzeta u dalje razmatranje.

Komisija za javne nabavke predložila je Dekanu da na osnovu člana 69. stav (2). tačka d) Zakona o javnim nabavkama BiH („Službeni glasnik BiH“ broj: 39/14), donese Odluku o poništenju postupka javne nabavke radova: **ZAVRŠNI GRAĐEVINSKI RADOVI - REKONSTRUKCIJA I ADAPTACIJA U OBJEKTU iz razloga što nijedna od primljenih ponuda nije prihvatljiva.**

Pored navedenog, Komisija je istakla u Zapisniku činjenicu da su **cijene ponude navedenog ponuđača znatno veće od osiguranih sredstava za predmetnu nabavku. Procjenjena vrijednost bez PDV-a iznosi 170.000,00 KM, a cijena ponude bez PDV-a 357.308,90 KM.** Komisija je zaključila sljedeće: da je i ponuđač podnio prihvatljivu ponudu, što u ovom predmetu nabavke nije slučaj, predložili bi poništenje postupka javne nabavke u skladu sa članom 69. stav (2) tačka e) ZJN.

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove odluke

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Prof. dr Nusret Drešković

Dostaviti:

- Ponuđač „INTERMING“ d.o.o. Sarajevo
- Dosije nabavki
- Web stranica
- a/a